

Na osnovu člana 58. stav 4. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03, 2/06, 21/06, 17/10, 26/12 i 15/13), ministar za rad, socijalnu politiku, raseljena lica i izbjeglice donosi

PRAVILNIK

O UČEŠĆU U TROŠKOVIMA SMJEŠTAJA KORISNIKA SMJEŠTENIH U USTANOVE SOCIJALNE ZAŠTITE I SRODNIKA OBAVEZNIH NA IZDRŽAVANJE

Član

(Opća odredba)

Ovim pravilnikom propisuje se učešće korisnika i njegovih srodnika obaveznih na izdržavanje u troškovima smještaja korisnika u ustanove socijalne zaštite.

Član 2.

(Korisnici i srodnici)

- (1) Korisnik smještaja u ustanove socijalne zaštite u smislu ovog pravilnika je lice kojem je rješenjem JU "Kantonalni centar za socijalni rad" (u daljnjem tekstu: Centar) - služba socijalne zaštite priznato pravo na smještaj u ustanovu (u daljnjem tekstu: korisnik).
- (2) Lica obavezna na izdržavanje i učestvovanje u troškovima smještaja korisnika u ustanove socijalne zaštite u skladu sa odredbama Porodičnog zakona Federacije Bosne i Hercegovine ("Službene novine Federacije BiH", br. 35/05 i 41/05) (u daljnjem tekstu: Porodični zakon) su:
 - a) bračni i vanbračni partner,
 - b) te srodnici obavezni na izdržavanje (u daljnjem tekstu: srodnici) i to:
 - a) roditelji,
 - b) djeca,
 - c) maćeha i očuh prema maloljetnom pastorku ako on ne može ostvariti izdržavanje od roditelja,
 - d) pastorkak prema maćehi i očuhu ako su oni njega duže vrijeme izdržavali ili se brinuli o njemu,
 - e) nena i djed prema maloljetnom unuku,
 - f) unuk prema neni i djedu,
 - g) braća i sestre prema maloljetnom licu.
- (3) Obaveza srodnika utvrđena ovim pravilnikom odnosi se i na bračnog i vanbračnog partnera.
- (4) Srodnici istog ranga utvrđenog tačkama u stavu (2) ovog člana, učestvuju u troškovima smještaja u ustanovama socijalne zaštite srazmjerno ostvarenim prihodima i na način propisan ovim pravilnikom.

Član 3.

(Neosiguranje smještaja)

Smještaj u ustanovu socijalne zaštite neće se osigurati licu kojem po odredbama Porodičnog zakona srodnici mogu obezbijediti uslove za zadovoljavanje osnovnih životnih potreba, o čemu zaključak donosi Stručni tim službe socijalne zaštite općine na kojoj lice ima prebivalište.

Član 4.

(Prihodi korisnika)

- (1) Korisnici koji imaju vlastite prihode koji su dovoljni za podmirenje troškova smještaja u ustanovu, troškove smještaja snosi u punom iznosu.
- (2) Ukoliko korisnik nema vlastite prihode, a vlasnik je pokretne ili nepokretne imovine, dužan je troškove smještaja snositi iz svoje imovine, što se precizno utvrđuje ugovorom.
- (3) Ukoliko korisnik nema vlastite prihode, pokretne ili nepokretne imovine, troškove smještaja snose srodnici u skladu sa ovim pravilnikom, što se utvrđuje ugovorom.

Član 5.

(Učešće po sudskoj presudi)

- (1) Ukoliko postoji sudska presuda kojom je utvrđena visina sredstava sa kojima srodnik učestvuje u izdržavanju korisnika, visina sredstava sa kojima srodnik učestvuje u smještaju ne smije prelaziti iznos izdržavanja utvrđen u toj presudi.
- (2) Ukoliko iznos sredstava po presudi nije dovoljan za podmirenje ukupnih troškova smještaja, razliku troškova će snositi ostali srodnici, u skladu sa ovim pravilnikom.

Član 6.

(Obaveza upozorenja korisnika)

- (1) Prvostepeni organ je dužan informisati korisnika o pravu na pokretanje postupka za određivanje izdržavanja od strane srodnika kod nadležnog suda, a u skladu sa Porodičnim zakonom.
- (2) Do okončanja sudskog postupka za utvrđivanje učešća srodnika u troškovima smještaja primjenjivat će se odredbe ovog pravilnika.

Član 7.

(Način utvrđivanja učešća srodnika u troškovima smještaja)

- (1) Osnovica za određivanje učešća srodnika u troškovima smještaja korisnika u ustanovu socijalne zaštite je dio prihoda srodnika koji preostanu po umanjenju njegovih ukupnih prihoda za iznos sredstava potrebnih za njegovo izdržavanje i za izdržavanje članova porodice sa kojima živi.
- (2) Iznos sredstava potrebnih za izdržavanje srodnika iz stava (1) ovog člana je 60% od prosječne plaće u Federaciji Bosne i Hercegovine po zadnjem objavljenom statističkom podatku, koja se za svakog slijedećeg člana porodice sa kojima živi uvećava za 20%, ukoliko taj član porodice nema vlastite prihode.
- (3) Sredstva kojima srodnik učestvuje u troškovima smještaja korisnika u ustanovu određuje se u iznosu od 50% od osnovice iz stava (1) ovog člana.
- (4) Prihodi srodnika obaveznog na izdržavanje su prihodi ostvareni u smislu člana 8. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03, 2/06, 21/06, 17/10, 26/12 i 15/13) (u daljnjem tekstu: Kantonalni zakon).

Član 8.

(Izdržavani članovi porodice srodnika)

Izdržavanim članovima porodice srodnika iz člana 7. ovog pravilnika smatraju se oni članovi porodice prema kojima postoji obaveza srodnika na izdržavanje u smislu Porodičnog zakona i koji nemaju sopstvene prihode ili su im ti prihodi manji od prihoda utvrđenih u članu 17. Kantonalnog zakona.

Član 9.

(Izuzeci)

- (1) Stručni tim službe socijalne zaštite koja vrši smještaj lica u ustanovu socijalne zaštite može nakon izvršene socijalne anamneze porodice srodnika, a u zavisnosti od strukture porodice (broj mladb. djece, broj djece koja se školuju, broj lica sa invaliditetom itd.) da utvrdi i drugačije učešće u troškovima smještaja za srodnika.
- (2) Stručni tim službe socijalne zaštite u smislu stava (1) ovog člana, može odstupati od iznosa utvrđenog na način propisan u članu 7. stav (3) ovog pravilnika najviše do 20% tog iznosa.

Član 10.

(Zaključivanje ugovora)

Centar je sa korisnikom, odnosno sa srodnicima obavezan zaključiti ugovor o učešću u troškovima smještaja, u skladu sa odredbama Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06 i 14/09), Kantonalnog zakona i ovog pravilnika.

Član 11.

(Rokovi plaćanja)

- (1) Korisnik i srodnici dužni su izvršiti svoju obavezu sudjelovanja u plaćanju cijene smještaja u toku tekućeg mjeseca za naredni mjesec.
- (2) Ako korisnik ili srodnici ne izvrše svoju obavezu u roku iz stava (1) ovog člana, služba socijalne zaštite je dužna da ih pismeno opomene najkasnije 10 dana nakon isteka roka za plaćanje.
- (3) Ukoliko korisnik ili srodnici ne izvrše utvrđenu obavezu učestvovanja u troškovima smještaja korisnika i nakon 30 dana od dana dostave pismene opomene. Centar je dužan donijeti rješenje o prestanku prava na smještaj u ustanovu, raskinuti ugovor o plaćanju troškova smještaja i pokrenuti postupak kod nadležnog suda radi naplate potraživanja.

Član 12.

(Smještaj na teret Centra za socijalni rad)

Lice koje nema vlastitih sredstava i koje nema srodnike koji su po Porodičnom zakonu obavezni da ga izdržavaju, smjestit će

se u odgovarajuću ustanovu socijalne zaštite na teret sredstava Centra, službe socijalne zaštite općine na kojoj lice ima prebivalište.

Član 13.

(Primjena Porodičnog zakona)

Na pitanja koja nisu uređena ovim pravilnikom, primjenjivat će se na odgovarajući način odredbe Porodičnog zakona.

Član 14.

(Objavljanje)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 13-02-14279/13

15. maja 2013. godine
SarajevoMinistar
Muamer Bandić, s. r.

OPĆINA ILIDŽA

Općinsko vijeće

Na osnovu člana 66. Zakona o građevinskom zemljištu ("Službene novine Federacije BiH", broj 67/05), Općinsko vijeće Ilidža na 6. redovnoj sjednici održanoj dana 22.05.2013. godine, donijelo je

ODLUKU

**O UTVRĐIVANJU PROSJEČNE KONAČNE
GRAĐEVINSKE CIJENE PO 1m² KORISNE POVRŠINE
U STAMBENOJ IZGRADNJI NA PODRUČJU OPĆINE
ILIDŽA U 2012. GODINI**

Član 1.

Ovom odlukom utvrđuje se prosječna konačna građevinska cijena 1m² korisne stambene površine na području općine Ilidža u 2012. godinu u iznosu od 1.090,00 KM.

Član 2.

Utvrđena prosječna konačna građevinska cijene iz tačke 1. ove odluke služi kao osnovica za izračunavanje visine naknade za pogodnost građevinskog zemljišta (rente) za 2013. godinu.

Član 3.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-2119/13-3

22. maja 2013. godine
IlidžaPredsjedavajuća
dr. Smiljana Viteškić, s. r.

Na osnovu člana 68. Zakona o građevinskom zemljištu ("Službene novine Federacije BiH", broj 67/05), Općinsko vijeće Ilidža na 6. redovnoj sjednici održanoj dana 22.05.2013. godine, donijelo je

ODLUKU

**O VISINI NAKNADE ZA POGODNOST GRADSKOG
GRAĐEVINSKOG ZEMLJIŠTA-RENTE NA PODRUČJU
OPĆINE ILIDŽA ZA 2013. GODINU**

Član 1.

Visina naknade za pogodnost gradskog građevinskog zemljišta-rente određuje se po zonama u procentu od konačne prosječne građevinske cijene 1m² korisne stambene površine koja iznosi 1.090,00 KM i to kao fiksni procenat rente:

- a) prva zona u procentu od 6%, što iznosi 65,40 KM
- b) druga zona u procentu od 5%, što iznosi 54,50 KM

- c) treća zona u procentu od 4%, što iznosi 43,60 KM
- d) četvrta zona u procentu od 3%, što iznosi 32,70 KM
- e) peta zona u procentu od 2%, što iznosi 21,80 KM
- f) šesta zona u procentu od 1%, što iznosi 10,90 KM

Član 2.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-2119/13-4

22. maja 2013. godine
IlidžaPredsjedavajuća
dr. Smiljana Viteškić, s. r.

Na osnovu člana 70. stav (4) Statuta Općine Ilidža - Prečišćeni tekst ("Službene novine Kantona Sarajevo", broj 33/10), Općinsko vijeće Ilidža na 6. redovnoj sjednici održanoj dana 22.05.2013. godine donijelo je

ODLUKU

**O POTVRĐIVANJU REZULTATA IZBORA ZA
ČLANOVE SAVJETA MJESNIH ZAJEDNICA OPĆINE
ILIDŽA**

Član 1.

(Potvrđivanje izbora)

Općinsko vijeće Ilidža potvrđuje rezultate izbora za članove Savjeta mjesnih zajednica općine Ilidža, koji su održani 28.04.2013. godine, za:

1. Savjet mjesne zajednice Butmir
2. Savjet mjesne zajednice Donji Kotorac
3. Savjet mjesne zajednice Sokolović Kolonija
4. Savjet mjesne zajednice Hrasnica I
5. Savjet mjesne zajednice Hrasnica II
6. Savjet mjesne zajednice Ilidža Centar
7. Savjet mjesne zajednice Lužani
8. Savjet mjesne zajednice Vreoca
9. Savjet mjesne zajednice Vrelo Bosne
10. Savjet mjesne zajednice Blažuj
11. Savjet mjesne zajednice Rakovica
12. Savjet mjesne zajednice Osjek
13. Savjet mjesne zajednice Otes
14. Savjet mjesne zajednice Stup
15. Savjet mjesne zajednice Stup II
16. Savjet mjesne zajednice Stupsko brdo